



ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE

LICENCË PËR OPERATORIN E TREGUT TË ENERGJISË ELEKTRIKE

DHËNË :

OPERATORIT TË SISTEMIT TË TRANSMISIONIT DHE TREGUT (KOSTT) SH.A

Numri i Regjistrimit: ZRRE/Li_16/17

Prishtinë, 00 mars 2017



PËRMBAJTJA

KREU I: TERMAT E LICENCËS.....	2
KREU II: KUSHTET E LICENCËS	3
Neni 1: Përkufizimet.....	3
Neni 2: Autorizimet e dhëna sipas kësaj Licence	4
Neni 3: Llogaritë e Ndara për Aktivitetin e Furnizuesit Publik.....	4
Neni 4: Pavarësia Ligjore dhe Menaxheriale.....	5
Neni 5: Ndalimi i subvencioneve dhe ndër-subvencioneve.....	6
Neni 6: Ndalimi i diskriminimit.....	6
Neni 7: Dizajni i Tregut dhe Rregullat e Tregut.....	6
Neni 8: Aderimi në Rregullat e Tregut	6
Neni 9: Komunikimet Operacionale	7
Neni 10: Ngarkesat e Operimit të Tregut.....	7
Neni 11: Tregu për Shërbime Ndihmëse.....	7
Neni 12: Kufizimet në Përdorimin e Informatës së Caktuar	9
Neni 13: Puna.....	8
Neni 14: Ndryshimi në Kontrollin e të Licencuarit	8
Neni 15: Sigurimi i Informacioneve ndaj ZRRE-së.....	8
Neni 16: Taksat.....	8
Neni 17: Vazhdimi, Modifikimi, Pezullimi, Transferimi dhe Ndërprerja e Licencës.....	9
Neni 18: Masat Administrative dhe Gjobat	9
Neni 19: Zgjidhja e Kontesteve.....	9



KREU I: TERMAT E LICENCËS

1. **Zyra e Rregullatorit për Energji** (në tekstin e mëtejme "ZRRE "),në pajtim me autoritetin e dhënë me Nenin 36 të Ligjit për Rregullatorin e Energjisë (Ligji nr. 05/L-084), Ligjin për Energjinë (Ligji nr. 05/L-081), Ligjin për Energjinë Elektrike (Ligji Nr. 05/L-085) dhe Rregullën për Licencimin e Aktiviteteve të Energjisë në Kosovë, nëpërmjet kësaj i modifikon Operatorit të Sistemit të Transmisionit dhe Tregut (KOSTT) Sh.A. Licencën për Operatorin e Tregut, për menaxhimin ekonomik të sistemit të energjisë elektrike (me numër licence ZRRE/Li_16/12), **tani me numër regjistrimi ZRRE/Li_16/17** (në tekstin e mëtejme "i Licencuari").
2. Territori i mbuluar nga kjo licencë është i tërë territori i Republikës së Kosovës.
3. I Licencuari do të veproj në pajtueshmëri me Nenet e përcaktuara në këtë licencë,Ligjin për Energjinë Elektrike dhe ligjet, rregulloret, rregullat dhe kodet e tjera.
4. I Licencuari duhet, ndër të tjera:
 - 4.1. të siguroj që tregu me shumicë i energjisë elektrike në Kosovë është gjatë gjithë kohës i përcaktuar në një mënyrë që reflekton legjislacionin në fuqi dhe Strategjinë e Energjisë të Qeverisë së Kosovës, siq është ndryshuar kohë pas kohe në përputhje me Ligjin për Energjinë Elektrike;
 - 4.2. të organizoj tregun me shumicë në baza të paanshme, transparente dhe jodiskriminuese, në pajtueshmëri me legjislacionin në fuqi dhe Rregullat e Tregut dhe procedurat e zhvilluara nga ai dhe të aprovuara nga ZRRE.
 - 4.3. të organizoj prokurimin e energjisë balancuse dhe të kordinohet ngushtë me Operatorin e Sistemit të Transmetimit;
 - 4.4. llogaris dhe vë ngarkesa për rikthimin e kostove të kryerjes së aktivitetit të licencuar, në pajtim me metodologjinë e aprovuar nga ZRRE.
 - 4.5. të kryej aktivitetet e përcaktuara për Operatorin e Tregut në kuadër të Rregullës për Skemën Mbështetëse për energjinë e ripërtëritshme dhe ligjeve, rregulloreve, rregullave dhe kodeve në fuqi.
5. Licenca vlen nga data **04 Tetor 2006** dhe do të jetë vazhdoj të jetë e vlefshme për një periudhë tridhjetë (30) vjeçare, deri më **04 Tetor 2036**, me mundësi vazhdimi, në pajtim me Ligjin për Rregullatorin e Energjisë.
6. Në pajtim me Nenin 36 të Ligjit për Rregullatorin e Energjisë, kjo licencë e modifikuar tani me numër regjistrimi ZRRE/Li_16/17 i lëshohet i lëshohet Operatorit të Sistemit të Transmisionit dhe Tregut (KOSTT) SH.A, për aktivitetin e operimit të tregut të energjisë elektrike, dhe hynë në fuqi me datë **00.00.2017.**



E vulosur me vulën e rëndomtë të Zyrës së Rregullatorit për Energji më: _____.

Nënshkruar (në emër të Bordit të ZRRE-së): _____

KREU II: KUSHTET E LICENCËS

Neni 1: Përkufizimet

1. Shprehjet e përdorura në këtë licencë do të kenë kuptimin si në vijim:

“Marrëveshja për aderim” - dokumenti i nënshkruar nga të gjitha palët të cilat bien dakord të veprojnë sipas Rregullave të Tregut siç përcaktohet në Rregullat e Tregut;

“Vit financiar” - periudha prej 1 Janar deri më 31 Dhjetor të të njëjtit vit kalendarik.

“Legjislacion” – Ligji për Energjinë (Ligji nr. 05/L-081), Ligji për Rregullatorin e Energjisë (Ligji nr. 05/L-084), Ligji për Energjinë Elektrike (Ligji nr. 05/L - 085) si dhe çdo legjislacion tjetër primar apo sekondar që rregullon sektorin e energjisë.

“Operimi i Tregut”- aktiviteti i ushtruar nga Operatori i Tregut lidhur me manaxhimin e tregut të energjisë elektrike dhe përgatitjen e raporteve financiare për pjesëmarrësit në treg, duke përjashtuar blerjen apo shitjen e energjisë elektrike, në pajtueshmëri me Rregullat e Tregut;

“Rregulla të Tregut” - norma që rregullojnë tregtimin e energjisë elektrike ndërmjet pjesëmarrësve në treg dhe marrëdhëniet ndërmjet palëve në tregun e energjisë, Operatorit të Tregut dhe Operatorit të Sistemit të Transmetimit, me qëllim të mbajtjes së balancit fizik në treg.

“Person i ndërlidhur” - çdo ndërmarrje në pronësi apo e kontrolluar nga një kompani tjetër, e që definohet sipas Nenit 225.1 a) të Ligjit për Shoqëritë Tregtare 02/L-123, siç është amendamentuar.

2. Termet tjera të përdorura në këtë licencë do të kenë të njëjtin kuptimin si termet e përdorura në legjislacionin në fuqi



Neni 2: Autorizimet e dhëna sipas kësaj Licence

1. I Licencuari në përputhje me Rregullat e Tregut, është i autorizuar që të kryej aktivitetet si në vijim:
 - 1.1. aderohet në Rregullat e Tregut në cilësinë e “pronarit”;
 - 1.2. mbaj proces për aderim në Rregullat e Tregut për të gjitha Palët Tregtare;
 - 1.3. administroj tregun e centralizuar të energjisë elektrike;
 - 1.4. menaxhojë procesin e transferit të konsumatorit;
 - 1.5. mirëmbajë llogaritë për Operatorin e Tregut, Operatorin e Sistemit të Transmisionit dhe të Palëve Tregtare;
 - 1.6. menaxhojë procesin e barazimit përfundimtar;
 - 1.7. faturon obligimet reciproke financiare të Operatorit të Sistemit të Transmetimit dhe Operatorit të Tregut dhe Palëve Tregtare;
 - 1.8. vepron si agjent për barazim financiar për Operatorin e Sistemit të Transmetimit;
 - 1.9. kryej funksionet komerciale të balancimit të energjisë elektrike, sipas Nenit 23 të Ligjit për Energjinë Elektrike;
 - 1.10. siguroj informacione mbi tregun e energjisë elektrike; dhe
 - 1.11. ushtron funksione të tjera që i janë caktuar me Rregullat e Tregut.
2. I Licencuari nuk do të caktoj dhe/ose transferoj, dhe as nuk do të ketë për qëllim të caktoj ose transferoj ndonjë nga të drejtat ose detyrimet e veta që i janë dhënë me anë të kësaj licence pa aprovimin paraprak të ZRRE-së.

Neni 3: Llogaritë e ndara për aktivitetet e licencuara

1. I Licencuari do të përgatisë Pasqyrat Financiare Vjetore për aktivitetet e përfshira në licencë, në përputhje me Udhëzimet Rregullative për Kontabilitetin, të nxjerra nga ZRRE-ja, dhe do t'i dorëzojë ZRRE-së një kopje të Pasqyrave Financiare të audituara brenda tre (3) muajve, pas përfundimit të vitit financiar. Llogaritë e brendshme duhet të jenë të ndara për aktivitetet e operimit të tregut dhe llogaritë e brendshme për aktivitetet e tjera, njëjtë sikur këto aktivitete të jenë performuar nga ndonjë ndërmarrje tjetër.
2. I Licencuari do të dorëzojë në ZRRE Pasqyrat Financiare Vjetore të audituara nga auditori i pavarur në përputhje me Standardet Ndërkombëtare të Raportimit Financiar brenda afateve të përcaktuara me ligjet në fuqi për raportimin financiar. Auditori duhet të verifikojë se kërkesat lidhur me ndalimin e ndër-subvencioneve dhe diskriminimit në Nenet 5 dhe 6 janë përmbushur.
3. Kontabiliteti rregullativ do të jetë në përputhje me Udhëzimet Rregullative për Kontabilitet, i cili, ndër të tjera, mund të specifikojë:



- 3.1. formën e regjistrave/pasqyrave të kontabilitetit rregullativ, duke përfshirë, por duke mos u kufizuar vetëm në llogaritë e fitimit dhe humbjes (bilanci i suksesit), bilancin e gjendjes, fitimet e njohura dhe pasqyrat e humbjeve, rrjedhjen e parave të gatshme (cash-floë) dhe deklaratat për shumat e të ardhurave, shpenzimeve, asetëve, detyrimeve, rezervave ose kushteve, të cilat janë tarifuar nga ndonjë aktivitet tjetër, ose janë përcaktuar nga alokimi ose shpërndarja midis aktivitetit të konsoliduar të operimit të tregut dhe ndonjë aktiviteti tjetër;
 - 3.2. natyrën dhe përmbajtjen e regjistrave/pasqyrave të kontabilitetit rregullativ, duke përfshirë informacione mbi lloje të specifikuara të të ardhurave vjetore, shpenzimeve, asetëve ose borxheve, dhe informacione mbi të ardhurat vjetore, asetet, shpenzimet dhe detyrimet nga aktivitetet e specifikuara; dhe
 - 3.3. parimet dhe politikat e kontabilitetit rregullativ (duke përfshirë bazat për alokimin e shpenzimeve).
4. Në lidhje me deklaratat e kontabilitetit rregullativ për sa i përket vitit financiar, i Licencuari nuk do të ndryshoj bazën e ngarkesës, shpërndarjes ose alokimit nga ato që janë përdorur në vitin financiar paraprak, përveçse nëse ZRRE nxjerr më parë udhëzimin relevant ose jep aprovimin me shkrim për ndryshimin e këtyre bazave.
 5. I Licencuari do të veproj në pajtueshmëri me çdo udhëzim të nxjerrë nga ZRRE dhe legjislacionin në fuqi.

Neni 4: Pavarësia Ligjore dhe Menaxheriale

1. Për të siguruar pavarësinë e të Licencuarit:
 - 1.1. personat që janë përgjegjës për menaxhimin e të Licencuarit nuk duhet të jenë pjesë e strukturës së ndonjë kompanie të licencuar për prodhim, shpërndarje ose furnizim të energjisë elektrike në Kosovë; dhe
 - 1.2. i Licencuari do të ndër marr të gjitha masat e duhura për të siguruar që të merren parasysh interesat profesionale të personit përgjegjës për menaxhimin e të Licencuarit, në mënyrën që siguron se ata janë të aftë për të vepruar në mënyrë të pavarur;
2. I Licencuari do të zbatoj Kodin e Sjelljes për Operatorin e Tregut, duke specifikuar masat e nevojshme për të siguruar ndalimin e sjelljes diskriminuese. Ky Kod poashtu duhet të përmbaj obligimet specifike të drejtorëve dhe punëtorëve të tjerë për çështjet që kanë të bëjnë me konfidencialitetin, konfliktet e interesit, etj.
3. I Licencuari duhet të publikoj Kodin e Sjelljes në faqen e tij zyrtare elektronike.



Neni 5: Ndalimi i Subvencioneve dhe ndër-subvencioneve

1. Të gjitha ngarkesat e vëna nga i Licencuari lidhur me kryerjen e aktiviteteve të tij të licencuara duhet të përcaktohen në pajtim me Rregullën për vendosjen e çmimeve të Operatorit të Tregut dhe ndonjë metodologji tjetër, siç është aprovuar nga ZRRE.
2. Gjatë kryerjes së aktiviteteve të licencuara të operimit të tregut, i Licencuari duhet të siguroj se ngarkesat e tij nuk janë rritur apo ulur si rezultat i pranimit apo dhënies së ndonjë ndër-subvencioni (direkt apo të tërthortë) nga ose në emër të ndonjë aktiviteti tjetër të tillë të të Licencuarit apo nga ndonjë person i ndërlidhur, korporatë ose ndonjë person fizik apo ligjor.

Neni 6: Ndalimi i Diskriminimit

1. I Licencuari nuk do të bëjë padrejtësisht diskriminime midis Palëve Tregtuese, ose çdo personi që dëshiron të bëhet Palë Tregtuese, dhe do të kryej funksionet e veta, duke respektuar parimet e transparencës, objektivitetit dhe pavarësisë.
2. Përrjashtimisht nga paragrafi 1 i këtij neni, Pala Tregtuese mund të trajtohet ndryshe nga i Licencuari sipas rrethanave të specifikuara dhe të lejuara me Rregullat e Tregut.

Neni 7: Dizajni i Tregut dhe Rregullat e Tregut

1. I Licencuari do të zhvilloj Dizajnin e Tregut në pajtim me Strategjinë e Energjisë të Qeverisë së Kosovës, siç ndryshohet herë pas herë, në konsultim me Palët Tregtuese dhe ndonjë person që ka gjasë të ndikohet.
2. I Licencuari duhet të zhvilloj Rregullat e Tregut në pajtim me legjislacionin në fuqi dhe Dizajnin e Tregut, siç është aprovuar nga ZRRE.
3. I Licencuari do të jetë përgjegjës për menaxhimin dhe modifikimin e Rregullave të Tregut, nën dispozitat përkatëse të Rregullave të Tregut dhe duhet të dorëzoj ndonjë propozim për modifikim në ZRRE për aprovim, pas konsultimit me palët që do të ndikohen nga ky modifikim.
4. Modifikimet e referuara në paragrafin 3 mund të propozohen nga i Licencuari, nga ZRRE ose nga ndonjë palë në Rregullat e Tregut.

Neni 8: Aderimi në Rregullat e Tregut

1. I Licencuari do të hyjë në Marrëveshje për Aderim me të gjithë personat që dëshirojnë të nënshkruajnë një marrëveshje të tillë dhe të bëhen Palë në Rregullat e Tregut, dhe të cilët janë të Licencuar për aktivitetet që dëshirojnë t'i ndërmarrin . I Licencuari do të njoftoj



ZRRE-në për të gjitha kërkesat e pranuar nga personat që dëshirojnë të hyjnë në Marrëveshje për Aderim, në përputhje me dispozitat e Rregullave të Tregut.

2. I Licencuari është i detyruar të monitoroj përputhshmërinë e Palëve Tregtuese me Marrëveshjet për Aderim, dhe përputhjen me Rregullat e Tregut.
3. I Licencuari mund t'i përfundoj këto Marrëveshje për Aderim vetëm në përputhje me dispozitat e Rregullave të Tregut.

Neni 9: Komunikimet Operacionale

1. I Licencuari, për qëllim të menaxhimit të procesit të barazimeve përfundimtare, do të instaloj, mirëmbaj dhe azhurnoj platformën e operimit të tregut, duke përfshirë çdo standard të publikuar të kërkuar për komunikim me këtë softuer, në pajtim me standardet ndërkombëtare, sipas Rregullave të Tregut.
2. I Licencuari do të sigurojë që softueri për barazimet përfundimtare është audituar nga një kompani e pavarur dhe e kualifikuar e auditimit, për të përcaktuar përputhjen me Rregullat e Tregut,
3. I Licencuari do të mirëmbaj shënime të plota dhe të sakta për të gjitha të dhënat për barazimet përfundimtare që janë paraqitur nga Palët Tregtuese ose që janë mirëmbajtur nga i Licencuari. Format i ruajtjen e këtyre shënimeve do të përcaktohet nga i Licencuari.

Në këtë Nen:

“Të Dhënat e barazimit përfundimtar” - jenë të gjitha të dhënat që nevojiten të furnizohen nga i Licencuari ose nga Palët Tregtuese sipas Rregullave të Tregut, që mundësojnë kryerjen e barazimit përfundimtar sipas Rregullave të Tregut.

Neni 10: Ngarkesat e Operatorit të Tregut

Të gjitha ngarkesat e vëna nga i Licencuari lidhur me performancën e aktiviteteve të tij të licencuar duhet të vendosen në pajtim me Rregullën për vendosjen e çmimeve të Operatorit të Sistemit të Transmetimit dhe Operatorit të Tregut dhe ndonjë metodologji tjetër e aprovuar nga ZRRE.

Neni 11. Tregu për Shërbime Ndhmëse

1. Jo më vonë se tre muaj pas dhënies së kësaj licence të modifikuar, i Licencuari ,në koordinim me Operatorin e Sistemit të Transmetimit, duhet të përgatis një draft-metodologji për vendosjen e çmimeve dhe ofrimin e shërbimeve ndihmëse dhe duhet ta dorëzoj në ZRRE për rishikim fillestar. Metodologjia duhet të siguroj se, deri



sa rrethanat të ekzistojnë për prokurim konkurrues, shërbimet ndihmëse prokurohen me çmimin më të mirë ekonomik, duke marrë parasysh sasinë, natyrën dhe shumëllojshmërinë e burimeve të shërbimeve ndihmëse të disponueshme për të Licencuarin.

2. Pasi ka marrë parasysh komentet e ZRRE-së për draft-metodologjinë, i Licencuari duhet të konsultohet me palët tregtuese para finalizimit të draftit.
3. I Licencuari duhet të dorëzoj metodologjinë e finalizuar për aprovim në ZRRE dhe duhet të implementoj metodologjinë e aprovuar, përveç nëse udhëzohet ndryshe nga ZRRE.
4. I Licencuari duhet të njoftoj ZRRE-në për çmimet e shërbimeve ndihmëse, të prokuruar në pajtim me metodologjinë.

Neni 12: Kufizimet në Përdorimin e Informatës së Caktuar

1. Të gjitha të dhënat e siguruar nga i Licencuari gjatë kryerjes së detyrave të tij mund të zbulohen në pajtim me Rregullat e Tregut dhe ndonjë legjislacion në fuqi.
2. I Licencuari duhet, kur është e nevojshme për kryerjen e aktivitetit të licencuar, të zbuloj çdo informacion përveç informacionit konfidencial, të cilat janë mbajtur ose siguruar gjatë performancës së funksioneve të tij si Operator i Tregut. Pavarësisht nga kjo, i Licencuari duhet të zbuloj informata, duke përfshirë informatat konfidenciale, nëse një informacion i tillë kërkohet nga ZRRE.
3. I Licencuari do të siguroj se çdo dokument që përmban informata konfidenciale, duhet qartë të identifikoj informatën si konfidenciale (ta shënoj atë si informatë konfidenciale).
4. Në këtë Nen “Informata konfidenciale” do ta ketë kuptimin e njëjtë të përcaktuar në Ligjin për Rregullatorin e Energjisë.

Neni 13: Puna

Lidhur me marrëdhënien në punë dhe sigurinë në punë, i Licencuari do të veproj në pajtim me legjislacionin në fuqi në Kosovë.

Neni 14: Ndryshimi në Kontrollin e të Licencuarit

1. I Licencuari do të njoftoj ZRRE-në për ndonjë ndryshim që pritet në kontroll së paku gjashtëdhjetë (60) ditë paraprakisht. Ndryshimi në kontroll nuk do të jetë efektiv deri sa ZRRE nuk e aprovon atë.



2. I Licencuari do të njoftojë ZRRE-në për ndonjë ndryshim të strukturës organizative të Licencuarit. Njoftimi i tillë do t'i bëhet ZRRE-së jo më vonë se tri (3) ditë nga data e çdo ndryshimi të tillë.

Neni 15: Sigurimi i Informacioneve ndaj ZRRE-së

1. I Licencuari do të dorëzojë në ZRRE informacione dhe raporte në mënyrën dhe në afatet që ZRRE-ja mund t'i konsiderojë të nevojshme.
2. I Licencuari do të dërgojë në ZRRE raporte tremujore dhe vjetore mbi veprimtarinë e Operatorit të Tregut si dhe pajtueshmërinë me kushtet e Licencës sipas Doracakut të Raportimit për Sektorin e Energjisë, të miratuar nga ZRRE-ja.
3. I Licencuari duhet t'i dërgojë ZRRE-së detajet për çdo ndryshim në informata që janë dërguar gjatë aplikimit për këtë licencë.

Në këtë Nen:

"Informacion" – materiali në çdo formë dhe pa asnjë kufizim do të përfshijë çdo kontratë, libër, dokument, regjistër, llogaritje (statusore ose tjetër), vlerësim, kthim ose raport të çdo përshkrimi dhe çdo shpjegim (gojor ose me shkrim) në lidhje me këto informacione që mund të jenë kërkuar nga ZRRE-ja.

Neni 16: Taksat

I Licencuari duhet t'i paguaj ZRRE- së çdo taksë fillestare ose vjetore, siç përshkruhet në Rregullën për taksat, të miratuar nga ZRRE.

Neni 17: Vazhdimi, Modifikimi, Pezullimi, Transferimi dhe Ndërprerja e Licencës

1. ZRRE mund të vazhdoj, modifikoj, pezulloj, dhe ndërpres këtë licencë në përputhje me Ligjin për Rregullatorin e Energjisë dhe Rregullën për Licencimin e Aktiviteteve të Energjisë në Kosovë.
2. ZRRE-ja mund të transferoj këtë licencë në përputhje me Ligjin për Rregullatorin e Energjisë dhe Rregullën për Licencimin e Aktiviteteve të Energjisë në Kosovë, por duke siguruar që obligimet e licencës mund të kryhen nga i Licencuari tjetër dhe nëse konsumatorët nuk do të dëmtohen për shkak të një transferimi të tillë.

Neni 18: Masat Administrative dhe Gjobat

1. Në rast shkeljeje të dispozitave të legjislacionit në fuqi, përfshirë Rregullat e nxjerra nga ZRRE, Nenet e kësaj Licence apo instruksionet dhënë të Licencuarit nga ana e ZRRE-së,



ZRRE-ja ka kompetenca t'i vendos të Licencuarit masa administrative dhe gjoba, në përputhje me Nenin 57 të Ligjit për Rregullatorin e Energjisë dhe Rregullën për Masat Administrative dhe Gjobat.

2. Masat administrative dhe gjobat mund t'i vendosen ndërmarrjes si subjekt juridik si dhe personave përgjegjës të ndërmarrjes.
3. Shuma e gjobës do të vlerësohet në pajtim me Ligjin për Rregullatorin e Energjisë dhe Rregullën për Masat Administrative dhe Gjobat.

Neni 19: Zgjidhja e Kontesteve

1. Çdo kontest që paraqitet apo është i lidhur me aktivitetet e licencuara do të zgjidhet në përputhje me Rregullën për Zgjidhjen e Ankesave dhe Kontesteve në Sektorin e Energjisë, të nxjerrë nga ZRRE-ja.
3. Vendimet e ZRRE-së lidhur me vazhdimin, modifikimin, pezullimin, ndërprerjen dhe transferin e licencës si dhe vendimet lidhur me gjobat si rezultat i shkeljeve të kushteve të licencës apo shkeljes së ligjeve të aplikueshme, mund të kontestohen nga i Licencuari në gjykatën kompetente sipas ligjeve në fuqi.

Fundi i dokumentit